

吳橋縣志

第四冊

吳橋縣志卷之八

武備志

容民畜衆惟是農戰有墉可乘有民可練民胡而兵

干城人戰家守耨耰不驚慮彼伏莽鷹眼鳩形

有備無患建威消萌作武備志第八

兵制

明初立民兵萬戶府簡民武勇之人以時操練有時

用以征討事平復爲民有功者一體陞賞令各州縣

吳橋縣志

卷之八武備

一

報募民壯着本地官司率領操練遇警調用事平仍

復爲民

明季設練兵三百名千總二員統之餉銀每畝徵銀

九釐

舊額 民壯二十五名 增五名

防秋民壯四十六名

快手十五名

今額 快壯八名 民壯五十名

舖兵二十三名

駐防

安陵鎮堡千總官一員

防安陵汛 馬兵十名 步兵三十一名

縣防兵 馬兵十名 步兵三十二名

貯庫軍器

紅衣砲四位

威遠礮十六位

吳橋縣志

卷之八武備

二

行營礮四十位

佛郎機八架

鐵子五百個

保甲

二十總甲分四路每一總甲領五地方每一地方領十甲長每一甲長領十牌甲通一縣而總計之其得一萬人此卽古民兵萬戶府之遺制也每于農隙時各備器械按期操演守望盤詰

在城總甲 名 地方九名

東路

興仁鄉總甲一名地方五名

興義鄉總甲一名地方五名

興禮鄉總甲一名地方五名

興智鄉總甲一名地方四名

興信鄉總甲一名地方五名

南路

吳橋縣志

卷之八武備

三

崇仁鄉總甲一名地方四名

崇義鄉總甲一名地方五名

崇禮鄉總甲一名地方五名

崇智鄉總甲一名地方五名

崇信鄉總甲一名地方五名

西路

守仁鄉總甲一名地方五名

守義鄉總甲一名地方五名

守禮鄉總甲一名地方五名

守智鄉總甲一名地方五名

守信鄉總甲一名地方四名

北路

盡仁鄉總甲一名地方五名

盡義鄉總甲一名地方五名

盡禮鄉總甲一名地方五名

盡智鄉總甲一名地方四名

吳橋縣志

卷之八武備

四

盡信鄉總甲一名地方五名

撫院金頒行保甲條約

鎮市鄉村居民男子除年六十歲以上十六歲以下者不算外其餘盡數編入保甲其鄉紳生員止除本身及嫡親子弟外其家人皆一體編入保甲不許恃勢抗違隱漏如有勢豪故違不遵者該地方保甲卽指名稟官申報本院以憑查處此保甲之法每十人內擇一強健者爲甲長總管九人卽將此九人之名

總寫一牌懸掛甲長門首十甲之內選一老誠而殷實者爲保長總管此十甲長卽將十甲長并所管百人之姓名總造一冊存在保長之家此十甲長俱聽保長約束若一村之內止有二三甲長或五六甲長不及百人者亦設一保長總領之若有千人之鎮則公舉一有才能者爲鄉長總管此十保長或有五六百人不及千人之村鎮亦設一鄉長統率之若有千人以上之鎮市亦止設一鄉長其保長甲長及所管

戶名造一總冊存鄉長處不時稽核之此鄉長保長甲長俱免其本身門戶雜差遇有盜警各要統率所管保甲之人一體互相救護不許彼此岐視若鄉保甲長玩忽偷安致有大事加倍重處其零星三五家十餘家之村不必另編卽附在相近大村鎮內編入保甲聽其稽查調度

論曰小盜者大盜之漸也內盜者外盜之囿也靖亂或藉軍兵弭盜莫善保甲大用之則井田爲兵法之

祖小用之則保甲爲弭盜之原聖人農戰而天下無敵者此道得也保甲之法吳橋已試之成效也康熙十一年壬子撫院金題請築濬濠墻所頒保甲法卽舊例而整齊之深得鄉練之意由一隅而達之天下則百世之太平也寧復患盜乎今盜案甚嚴信有法行之者一已之功名百姓之身家地方之安危胥係之矣

馬政

原額種兒騾二百七十五匹隆慶二年奉例刪革一半計一百三十七疋變賣銀一千四百三十兩每年春秋二運馬頭領出買備用大馬五十五匹差官押解太僕寺上納仍徵草銀每馬一兩共一百三十七兩解部見存留種馬一百三十八匹每馬每年徵喂養草糧銀五兩共銀六百九十兩按季支領原額牧馬草場九處共地一百六十五頃五十五畝弘治二年知縣於珵陳言修舉馬政奉本府帖文抄

蒙兵部署員外郎馮戶部主事倪太僕寺寺丞施

驗事理清查草場坐落地名并頃畝四至方圓形體

鑄立石碑于本縣儀門其草場則就近撥與養馬人

戶不許土豪占種詳列于下

趙後村草場計地十八頃七十畝坐落城南十二里
許仁和鄉地方東至古道南至劉子貴西至劉子
玉北至李玉撥與附近養馬人戶劉順等八鄉仁
和安得順義順政定原北歸仁歸厚

崇德
梁家庄草場計地二十二頃四十五畝坐落城西三
里許仁和鄉地方東至古道南至古堤西至孫華北
至古堤撥與附近養馬人戶梁興等七鄉仁和

吳橋縣志

卷之八武備

七

安得安陵豐樂新安歸仁崇德
付家庄草場計地十六頃一十四畝坐落城東北二
十里許孝義鄉地方東至友諒南至周傑地西至
古堤北至古堤撥與附近養馬人戶倫寬甫等六鄉
孝義順義順政新安歸仁歸厚
侯家庄草場計地十八頃三十畝坐落城西北三十
里許仁和鄉地方東至王寬南至郭整西至古道北
至賀欽地撥與附近養馬人戶賀璟等八鄉仁和
安陵順義豐樂順政定原北歸仁
歸厚
小屯村草場計地一十九頃五十一畝坐落城西北
二十五里許新得鄉地方東至董子敏南至郭得山
西至李昇北至于寬地撥與附近養馬人戶靳能等
六鄉新得順義新安歸仁順政崇德
大吳家庄草場計地一十九頃八十三畝坐落城南
二十里許定原南鄉地方東至劉福敬南至高貴西

至曹斌北至吳勝地撥與附近養馬人戶吳俊等五鄉定原南順政新安歸仁崇德李家庄草場計地十八頃一十九畝坐落城東南豐樂鄉十八里許東至杜志剛南至蘇幹西至李欽北至谷良友地撥與附近養馬人戶于廣等四鄉豐樂新安歸仁崇德廟坡村草場計地二十頃四十畝坐落城東南二十里豐樂鄉地方東至劉福增南至孫志剛西至姚福成北至王和地撥與附近養馬人戶孫志剛等六鄉豐樂順義順政新安歸仁崇德

按自弘治以來各馬頭照地分付自隆慶以來一條鞭派徵其喂馬草料每匹五兩俱當官給散存留變賣於徵解納之數見前

論曰明法之不善者莫過于養馬郡邑設行太僕寺置牧地責民間大戶喂養課其孳息一兒三騾春秋查點煩細苛刻民不堪命因變而為俵解所以救喂養之苦也究焉俵解之苦與喂養無異今天下中外一家代北之馬歸會京師真稱萬隊雲錦不數駉牝三千累朝積弊盡行豁除則百姓永絕養馬之害矣

